

**2A SESSIONE STRAORDINARIA DI U 2017**

**1<sup>u</sup> è 2 DI GHJUGNU**

**N° 2017/E2/028**

**DUMANDA URALE FATTA DA U SGIÒ Paulandria COLOMBANI  
À NOME DI U GRUPPU « FEMU A CORSICA »**

**OGETTU : IMPIEGU DI E PERSONE IN SITUAZIONE DI HANDICAP.**

O Sgiò Presidente di l'ADEC,

U handicap hè una quistione di sucetà chì ùn hè tantu messa à lume ch'ella sia in l'attualità o in i nostri diibattiti, quindi, à l'Assemblea.

È puru sò assai i nostri cuncitatidini chì si trovanu in situazione di handicap. Issa ghjente anu e difficoltà tamante da pudè ghjunghje sin'à l'impiegù.

Quesse e difficoltà sò dinù ligate cù altre difficoltà, per via ch'elli mancanu l'acconci specifichi, o per causa d'inciviltà, cum'è l'accessu à i trasporti o, più in generale, spiazza si in l'ambiente urbanu, siasi in i lochi è vie publichi, siasi indrentu à i lucali

U fattu di ùn pudè travaglià hè pena doppia è ancu triplice, chì u handicap dumanda à quellu chì u pate e spese spessu maiò ch'ellu li saria più faciule à fà s'ellu avissi una paca. Dunque cù u handicap fisicu o mentale, ci hè in più un handicap di soldi è handicap murale.

È puru s'omu hè in situazione di handicap ùn vole di ch'omu sia incapace à fà; à l'incuntrariu !.

Issa ghjente custindi, saranu ancu più mutivata chè l'altri à travaglià è, in conseguenza, avè accessu non solu à un impiegù, ma à vede davanti à sè una vita equilibrata assai di più.

O Sgiò Presidente, pocu fà avete firmatu una convenzione cun l'Associu di Gestione di u Fondu per l'Inserimentu di e Persone cù Handicap. À sinu à duve puderà andà a vostra pulitica da permette à e persone cù handicap di inserisce si in u mondu professionale ?

À ringrazià vi!